

皇明經世文編

皇明經世文編卷之三百二十五

陳子龍臥子 徐孚遠闇公

華亭

宋徵璧上木 李 雯舒章

選輯

宋存標子建叅閱

張文忠公集

疏

張居正

請裁抑外戚疏

武清伯墳價

伏蒙發下工部覆武清伯李偉請價自造墳塋一本

該文書官孫斌口傳 聖旨該部折價太薄從厚擬

皇明經世編



張江陵集

武清伯墳價

一

平露堂

來欽此。臣等看得李偉乃皇家至親，與衆不同，皇上仰體聖母篤念外家之意，禮宜從厚。但昨工部尚書郭賓等見臣等言先朝賜賚外戚恩典，唯玉田伯蔣輪家爲最厚，正與今聖母家事體相同，故本爵亦遂據蔣輪例以請。及查嘉靖二年蔣輪乞恩造墳，原係差官蓋造，未曾折價。該部處辦木石等料，當時估計該銀二萬兩。卷案具存。該部因本爵自比蔣輪例，故卽查蔣輪例題覆，其做工班軍及護墳田土另行撥給，原不在此數。今奉聖諭欲令從厚，臣等

敢不仰體 皇上孝心且臣等犬馬之情亦欲借此
少效微悃于 聖母之家但該部查照舊例止於如
此今欲從厚惟在 皇上奏知 此亦不可開 聖母發自宸衷特
加優賚固非臣下所敢擅專也臣等又惟昔玉田伯
乃 世宗皇帝親母家也當時 章聖皇太后母儀
天下世廟奉事 母后篤厚外家何所不至而其所
給乃僅于此數想 祖宗以來相傳恩例如此有難
以踰越耳今 皇上孝事 聖母豈能有加于 世傳江陵假威 世
於母后尚能以禮事君 廟而 聖母之篤厚外家亦豈能有踰于 章聖皇

太后乎。今以世宗皇帝之所不能加。章聖太后之所不可踰。而聖母與皇上必欲破例處之。此臣等所以悚懼而不敢擅擬者也。夫孝在無違。而必事之以禮。恩雖無窮。而必裁之以義。貴戚之家。不患不富貴。患不知節。富而循禮。富乃可久。越分之恩。非所以厚之也。踰涯之請。非所以自保也。臣等待罪輔弼。不敢不盡其愚。伏惟聖慈垂鑒。

論邊事疏

遼東虜報

張心濟才臣也。前為虛報。所信可見邊情之難也。昨該遼東巡撫張學顏等報稱達賊二十餘萬謀犯。

遼東前哨已到大寧請兵請糧急于星火至于上厯
聖慮面諭臣等虜寇猖獗深以爲憂比時臣等已卽
面奏暑月非虜騎狂逞之時料無大事請寬 聖懷

今據薊鎮總兵官戚繼光揭稱諸酋久已解散時下

是時江陵自發報探之人以

正議掣兵及臣等使人于宣府密探西虜青把都動

故虜情最熟有邊臣未知而彼先知者邊臣亦畏之

靜則本酋一向在巢住牧未嘗東行遼東所報皆屬

不敢欺也

夷誑賞之言絕無影響數日以來更不聞消息矣臣

等因此反切憂慮夫兵家之要必知彼已審虛寔而

後可以待敵可以取勝今無端聽一訛傳之言遽爾

倉皇失措。至上動九重之憂。下駭四方之聽。則是彼
已虛寔。茫然不知。徒借聽于傳聞耳。似此舉措。豈能
應敵。且近日虜情狡詐。萬一彼常以虛聲恐我。使我
驚惶。疲于奔命。久之懈弛不備。然後卒然而至。措手
不及。是在彼反得先聲後寔多方以誤之之策。而在
我顧犯不知。彼已百戰百敗之道。他日邊臣失事。必
由于此。故臣等不以虜之不來爲喜。而深以邊臣之
不知虜情之爲慮也。兵部必須厚養偵探之士。分
布諸邊。不可但據邊臣之塘報也。
察機密。沉謀果斷。乃能折衝樽俎。坐而制勝。今一聞

奏報。遂爾張皇。事已之後。又寂無一語。徒使君父
日焦勞于上。以憂四方。而該部以題覆公牘。謂足以
了本兵之事耳。臣等謂宜特諭該部。詰以虜情虛寔。
之由。使之知警。且秋防在邇。薊遼之間。近日旣爲虛
聲所動。征調疲困。恐因而懈怠。或至疎虞。尤不可不
一儆戒之也。臣等愚見如此。伏惟聖明裁斷施行。
請重修大明會典疏

重修會典

准禮部手本。該禮科給事中林景暘等。題爲泰道方
亨。國家閒暇。懇乞聖明及時修輯成憲。以垂永圖。以

光繼述大孝事。要將弘治十五年以後事例。命官編輯。增入會典等因。該本部覆稱。大明會典一書。卽唐宋六典會要之遺意。以昭一代之章程。垂萬年之成憲。至精且當。顧其爲書。成于弘治之末年。至今代更四聖。歲踰六紀。典章法度。不無損益異同。其條貫散見于簡冊卷牘之間。凡百有司。艱于考據。諸所援附。鮮有定畫。以致論議煩滋。法令數易。吏不知所守。民不知所從。甚非所以定國是而一人心也。嘉靖年間。世宗皇帝嘗命儒臣續修會典。自弘治十五年至嘉

靖二十八年而止。已經進呈。未蒙刊布。隆慶二年都御史孫應鼐亦嘗奏請彙輯嘉靖事例附入會典。今給事中林景暘等復申前請。委于政理有裨。但今兩朝寔錄尚未告成。披閱校正。日不暇給。若復兼修會典。未免顧此失彼。合行翰林院候寔錄進呈畢日。另行題請開館。掄選儒臣。分局纂修。仍先行文各該衙門選委司屬官。將節年題准見行事例。分類編集。呈送堂上官校勘明白。候開館之日。送入史館。以備采擇。等因。萬曆二年五月初六日奉 聖旨是。欽此。欽

遵手本到閣。臣等恭照會典一書。于昭代之典章法

度。綱目畢舉。經列聖之因革損益。美善兼該。比之周

會典宜題准或十年或

官唐典。信爲超軼矣。顧其書創修于弘治之壬戌。後

二十年一修

此書至萬曆十五年始成今所遵行者

乃闕如。續編于嘉靖之己酉。未經頒布。又近年以來。

是也

好事者喜于紛更。建議者鈔諸國體。條例紛紜。自相

抵牾。耳目淆惑。莫知適從。我祖宗之良法美意。幾

于淪失矣。今幸聖明御極。百度維新。委宜及今編輯

成書。以定一代之章程。垂萬年之典則。先該科臣建

議。該部題覆。比時委因兩朝定錄未成。勢難兼理。今

穆宗皇帝寔錄進呈已久。世宗皇帝寔錄編輯已完。臣等刪潤功亦將畢。催督繕寫。計歲終可以進呈。所有編纂諸臣。在館稍暇。前項欽奉明旨續修會典一節。相應及時舉行。合候命下。查照弘治嘉靖年間事例。擇日開館。命官纂緝。仍乞勅下禮部。照依先題事例。催各該衙門將見行事例。選委司屬官素有文學者。分類編緝。送館備錄。其一應纂修事宜。及合用官員職名。容臣等逐續開具奏聞。

請擇有司蠲逋賦以安民生疏

擇有司蠲逋賦

皇明經世編

張江陵集

卷之二

六

平露堂

竊惟致理之道莫要于安民書曰民惟邦本本固邦
寧民安邦固卽有水旱盜賊敵國外侮之虞而人心
愛戴乎上無土崩瓦解之勢則久安長治之術也然
欲安民又必加意于牧民之官方今聖明在上二
時郡邑長吏固莫不爭自淬勵勉修職業以求無負
于明時但虛文矯飾舊習尙存剝下奉上以希聲譽
奔走趨承以求薦舉徵發期會以完簿書苟且艸率
以逭罪責其寔心愛民視官事如家事視百姓如子
弟者寔不多見故皇上雖有安民之心而上澤不

得以下究者職此之故也。臣等思得明春又當外官考察之期。一舉一措。乃天下嚮背所係。伏望聖明特勅吏部。令其預先虛心訪覈。各有司官賢否。惟以安靜宜民者爲最。其沿襲舊套。虛心矯飾者。雖浮譽素隆。亦列下考。撫按以此覈屬官之賢否。吏部以此別撫按之品流。朝廷以此觀吏部之藻鑒。若撫按官不能悉心甄別。而以舊套了事。則撫按官爲不稱職矣。吏部宜秉公汰黜之。吏部不能悉心精覈。而以舊套了事。則吏部爲不稱職矣。朝廷宜秉公更置之。庶

皇明經世編

張汝陵集 卷之二

平露堂

有司不敢以虛偽蒙上而寔惠旁孚元元之大幸也臣等又查得隆慶六年六月詔書一款自嘉靖四十三年四十四年四十五年并隆慶元年錢糧除金花銀不免外其餘悉從蠲免其二年三年四年各量免十分之三至于淮安徐州以水患廣東惠潮三府以兵傷則并隆慶二年三年亦從蠲免思至渥矣乃該地方猶不能追納至萬曆二年戶部乃議于拖欠七分之一中每年止帶徵三分而民猶以爲苦何也蓋緣各有司官不能約已省事無名之征求過多以致民

力殫竭。反不能完公家之賦。其勢豪大戶侵欺積猾。皆畏縱而不敢問。反將下戶貧民。責令包贖。近來因行考成之法。有司官惧于降罰。遂不分緩急。一槩嚴刑追併。其甚者又以資貪吏之囊橐。以致百姓嗷嗷。愁嘆盈閭。咸謂朝廷催科太急。不得安生。夫出賦稅以供上者。下之義也。憐其窮困。量行蠲免者。上之恩也。于必不可免之中。又爲之委曲調處。是又思之恩也。今乃不知感戴。而反歸過于上。則有司官不能奉行之過也。然愚民難以戶曉。損上乃可益下。須賴

皇上力行節儉。用度漸舒。又以北虜納款。邊費稍省。似宜曲垂寬恤。以厚下安民。合無勅下戶部。查各項錢糧。除見年應徵者。分毫不免外。其先年拖欠帶徵者。除金花銀。遵詔書仍舊帶徵外。其餘七分之一中。通查年月久近。地方饒瘠。再行減免分數。如果貧瘠不能完者。悉與蠲除。以甦民困。至于漕運糧米。先年亦有改折之例。今查京通倉米。足支七八年。而太倉銀

劑之法

通融請

庫所積尚少。合無比照先年事例。將萬曆五年漕糧量行改折十分之三。分派糧多及災傷地方徵納。夫

根重折輕。既足以寬民力。而銀庫所入。又藉以少充。是足國裕民。一舉而兩得矣。臣等待罪輔弼。日夜思所以佐皇上布德元元。輯寧邦本。計無便于此者。伏乞聖明採納施行。生民幸甚。

請停止內工疏

罷修兩宮

該文書官丘得用口傳。聖旨。慈慶慈寧兩宮。着該衙門修理。見新只做迎面欽此。臣等再三商確。未敢即便傳行。竊惟治國之道。節用爲先。耗財之原。工作爲大。然亦有不容已者。或居處未寧。規制當備。或歷

歲已久。敝壞當新。此事之不容已者也。于不容已者而已之謂之陋。于其可已而不已。謂之侈。二者皆非也。恭惟慈慶慈寧。乃兩宮聖母常御之所。若果規制有未備。敝壞所當新。則臣等仰體皇上竭情盡物之孝。不待聖諭之及。已卽請旨修建矣。今查慈慶慈寧俱以萬曆二年興工。本年告完。當其落成之日。臣等嘗恭詣閱視。伏覩其巍崇隆固之規。彩絢輝煌之狀。竊以爲天宮月宇。不是過矣。今未踰三年。壯麗如故。乃欲壞其已成。更加藻飾。是豈規制有未備乎。

抑亦敗壞所當新乎。此事之可已者也。况昨該部該科屢以工役繁興、用度不給爲言，已奉明旨以後不急工程、一切停止。今無端又興此役，是明旨不信于人。而該部科必且紛紛執奏，徒彰朝廷之過舉。滋臣官中修造爲諸害利蔽江陵持法如是所以能

貧國也下之煩言耳。方今天下民窮財盡，國用屢空，加意撙節，猶恐不足。若浪費無已，後將何以繼之。臣等灼知兩宮聖母欲皇上祈天永命，積福愛民，亦必不以此爲孝也。臣等備員輔導，凡可將順，豈敢抗違。但今事在可已，因此省一分，則百姓受一分之賜。使天下

黎民萬口同聲祝 聖母之萬壽亦所以成 皇上之大孝也。伏望聖慈俯鑒愚忠將前項工程暫行停止俟數年之後稍有敝壞然後重修未晚臣等干冒宸嚴無任悚慄之至

論決重囚疏

論決重囚

治國不宜數赦誠然哉

昨該司禮監太監孫得勝口傳 聖旨奉 聖母諭今歲大喜命臣等于刑科三覆奏本上擬旨暫免行刑欽此仰惟 聖母慈悲不殺之仁 皇上將順好生之美臣等敢不仰承以廣德意但查我 祖宗舊

制凡官吏軍民人等犯該死罪有決不待時者有監
至秋後者鞫問旣明悉依律處決未有淹禁累年不
行處斷者至嘉靖末年我世宗皇帝以齋醮奉玄
始有暫免不決之令或間從御筆所勾量行處決然
此寔近年姑息之弊非我祖宗垂憲之典也夫春
生秋殺天道所以運行雨露雪霜萬物因之發育若
一歲之間有春生而無秋殺有雨露而無雪霜則歲
功不成而化理或滯矣明王奉若天道其刑賞予奪
皆奉天意以行事書曰天命有德五服五章哉天討

有罪五刑五用哉若棄有德而不用釋有罪而不誅則刑賞失中慘舒異用非上天所以立君治民之意矣臣等連日詳閱法司所開重犯招情有殺祖父母父母者有毆死親兄及同居尊屬者有殺一家非死罪三人者有強盜刼財殺人者有鬪毆逞兇登時打死人命者據其所犯皆絕滅天理傷敗彝倫仁人之所痛惡覆載之所不容者天欲誅之而皇上顧欲釋之其無乃違上天之意乎康誥曰惟廸茲不于我政人得罪天惟與我民彝大湮亂曰乃其速由文王

作罰刑茲無赦言彼寇攘姦宄不孝不友之人所犯
至于如此若爲政者不加以罪則天與我民之常
道將至于民滅而壞亂必須速依文王所作之法刑
之而無赦此書乃 皇上近日所講習者夫文王視
民如傷古所稱仁聖之主而于此等之人亦必刑之
而無赦者良以爲惡之人彼自蹈于刑辟雖欲生之
而不可得也且稂莠不鋤嘉禾不茂冤憤不泄戾氣
不消今 聖母獨見犯罪者身被誅戮之可憫而不
知被彼所戕害者皆含冤蓄憤于幽冥之中明王聖

主不爲之一泄彼以其怨恨冤苦之氣鬱而不散上或蒸爲妖沴氛祲之變下或招致凶荒疫癘之災則其爲害又不止一人一家受其荼毒而已獨奈何不忍于有罪之兇惡而反忍于無辜之良善乎其用仁亦舛矣况此等之人節經法司評審九卿大臣廷鞫皆已衆證明白輸服無辭縱使今年不決將來亦無生理不過遲延月日監斃牢獄耳然與其暗斃牢獄而人不及知何如明正典刑猶足以懲奸而伸法乎法令不行則犯者愈衆年復一年克滿圜圉旣費關

防又虧國典其于政體又大謬也。伏願皇上念上天之意不可違。祖宗之法不可廢。毋惑于浮屠之說。毋流于姑且之愛。奏上聖母。仍將各犯照常行刑。以順天道。若聖心不忍盡殺。或仍照去年例。容臣等揀其情罪尤重者。量決數十人。餘姑牢固監候。俟明年大婚吉典告成。然後槩免一年。則春生秋殺。仁昭義肅。並行而不悖矣。臣等叨與密勿。此關係朝廷大政。祖宗舊典。不敢不盡其愚。伏惟聖明裁擇。

請裁定宗藩事例疏

宗藩事例

先該臣等題奉欽依重修大明會典節奉勅諭卿等
宐督率各官悉心講究以成一代畫一經常之典昭
示無極欽此欽遵隨開館纂修間臣等看得各衙門
事例惟禮曹爲繁國家典章亦惟禮制爲重乃屬纂
修官先將禮曹纂完送副總裁官看改然後呈送臣
等刪潤近該副總裁禮部尚書潘晟等將各官所纂
禮曹事例察互考訂呈稿到閣臣等仔細參詳國家
典禮如儀制秩祀等項皆出祖宗列聖睿思親定
至精極當臣等不敢妄議但次其年月刪其重複分

類編錄足垂永久。惟宗藩一事條例最繁。前後事體
參差不一。似皆因時立法。未能悉協于中。至嘉靖四
十四年。該禮部題覆言官建議。始定爲宗藩條例一
書。頒布天下。此時禮官亦自以稽考累朝典制。博采
諸宗建白。斟酌損益。旣殫厥心矣。然以臣等愚見。觀
之揆諸事理。尚多有未當者。推原其意。徒以天潢支
派浩繁。祿糧匱乏。國家之財力已竭。宗室之冒濫滋
多。不得不曲爲隄防。嚴加裁抑。顧集議之始。未暇精
詳。中間彼此矛盾。前後牴牾。或減削太苛。有虧敦睦。

或擬議不定。靡所適從。或一事而或予或奪。或一令而旋行旋止。或事與理舛。窒碍難行。或法與情乖。輕重失當。徒使奸猾得以滋弊。有司無所持循。略舉數端。可知其槩。如親王樂工二十七戶。乃高皇帝所定。載在會典。蓋以藩王體尊。其燕饗皆得用樂。不獨迎接詔勅爲然。今乃槩從裁革。此減削太苛。事例之未妥者也。又如親王故絕。既許爲之繼封。以重大宗。又云親弟親姪。方許請繼。及查例行之後。亦有不由親弟親姪而繼封者。此議擬不定。亦事例之未妥者。

也。又如郡王初封者。爵秩雖同。然有帝孫王孫之異。

親疎隆殺之一開多有難解

亦當視其親疎以爲差等。今房屋等項。一槩停給。此親無隆殺。亦事例之未妥者也。又今文官三品以上皆得給與祭葬。郡王體亞親藩。乃身後墳價槩從停給。此恩卹太薄。亦事例之未妥者也。又如郡王故絕者。不准襲封。而以罪革奪者。反得襲封。將軍等未有子者。許選繼室。而親郡王未有子者。乃反不許選繼。擅婚庶人。名糧止給五十石。而罪宗庶人。乃得七十餘石。又歷世不減。此恩紀失倫。亦事例之未妥者也。

又如郡王與親王同城住居故絕者止以本等官職奉祀而另城郡王故絕者其子又得世授鎮國將軍此事同例異亦事例之未妥者也又如擅婚子女不定年限槩從查革有一府而至數百位者于法不可盡革不革則又廢法此釐革無序亦事例之未妥者也又如郡王故絕與以罪革降者事體原自不同其冊印亦當分別進繳今乃槩從繳奪此混施無別亦事例之未妥者也又如濫妾及花生傳生子女冒請名封將保勘宗室通行革奪長史等官俱問發邊衛

克軍及流官寄籍。奏請選婚者。革退另選。將被選之人發邊衛克軍。遇赦不宥。此立法太嚴。亦事例之未妥者也。諸如此類。尚不可以悉數。夫令所以布信。數易則疑。法所以防奸。二三則玩。見今該部處置宗藩事情。悉用此爲準。因時救弊。似亦未爲大害。但欲勒成簡冊。昭示將來。則必考求國體。審察人情。上不虧展親睦族之仁。下不失酌盈濟虛之術。使情法允協。裒益適宜。乃足爲經常可久之規。垂萬世不刊之典。今觀其例議。寔多未妥。臣等欲因仍紀載。則恐事理

不順。有碍施行。欲徑從改易。則先皆題奉欽依。今不敢以臆見擅爲更定。照得萬曆四年六月內該禮部題爲名封事奉聖音這宗室濫妾所生子女于例已不許請名請封。乃至令改姓易籍發爲編民。殊非情理之當。見今重修會典。此等條例。都着議擬停當。改正行。欽此。合無勅下禮部遵照前旨。將前項條例。再加斟酌。并累朝見行事例。係關宗藩者。悉行裒集。分類編錄。仍會同多官。議擬停當。上請聖裁。著爲憲令。開送臣等纂入會典。庶法以畫一而可守。令以堅信。

而不移懸諸日月萬世無弊矣

蕃夷求貢疏

蕃僧私謁輔臣

看得烏思藏僧人鎖南堅錯。虜酋俺荅所稱活佛者也。去年虜酋西行。以迎見活佛爲名。寔欲西捨瓦剌。此時臣竊料虜酋此行。必致敗衄。待其旣敗而後撫之。則彼之感德愈深。而款貢可以堅久。乃授策邊臣使之隨宜操縱。因機勸誘。陰修內治。以待其變。今聞套虜連遭喪敗。俺荅部下蕃夷悉皆離叛。勢甚窘蹙。遂託言活佛教以作善戒殺。阻其西掠。勸之回巢。又

因而連合西僧。向風慕義。交臂請貢。獻琛來王。自此
虜款必當益堅。邊患可以永息。此皆天地祖宗洪庥
皇上威德所及。而臣以淺薄。謬當樞軸。躬逢太平有
道之盛。誠不勝欣慶。不勝仰戴。除求貢一事。已奉旨
下禮兵二部議處。惟本僧所餽臣禮物。雖遠人向化

盛事也

宋西夷亦餽馬文潯公中國

之誠。難以峻拒。但臣係輔弼近臣。叅預密勿。義不得
與外夷相通。查得國初翰林學士宋濂。因朝鮮國王
餽禮求文。却而不受。曰。天朝之臣。豈可受小夷之禮。
高皇帝聞而深喜之。其能守義自重如此。况臣列職

帷幄。與詞臣不同。而通貢大事。又非求文之比。緣是不敢私受。謹略具其事本末。仰乞 聖明俯賜裁奪。勅下臣愚遵行。庶不孤遠夷歸嚮之誠。亦以見人臣不敢自專之義。爲此謹具題知。伏候勅旨。

看詳戶部進呈揭帖疏

歲賦出入

伏蒙發下票擬章奏內有戶部進呈御覽揭帖一本。臣等看得國家財賦。正供之數。總計一歲輸之太倉銀庫者。不過四百三十餘萬兩。而細至吏承納班僧道度牒等項。毫釐絲忽。皆在其中矣。嘉隆之間。海內

皇明經世編

卷之二

歲入六

平露堂

虛耗公私貯蓄殊可寒心。自皇上臨御以來躬行儉德。覈定考成。有司催徵以時。逋負者少。姦貪犯賊之人。嚴併不貸。加以北虜款貢。邊費省減。又適有天幸。歲比豐登。故得倉庫貯積。稍有贏餘。然間閭之間。已不勝其誅求之擾矣。臣等方欲俟國用少裕。請

皇上特下蠲租之詔。以慰安元元之心。今查萬曆五年歲入四百三十五萬九千四百餘兩。而六年所入僅三百五十五萬九千八百餘兩。是比舊少進八十餘萬兩矣。五年歲出三百四十九萬四千二百餘兩。

而六年所出，乃至三百八十八萬八千四百餘兩，是

知何以能給

比舊多用四十萬餘矣。問之該部，云因各處奏留蠲

免數多，及節年追贓人犯財產已盡，無可完納，故入

數頗少。又兩次奉旨取用，及湊補金花拖欠銀兩，計

三十餘萬，皆額外之需，故出數反多也。夫古者王制

以歲終制國用，量入以爲出，計三年所入，必積有一

年之餘，而後可以待非常之事，無匱乏之虞。乃今一

歲所出反多于所入，如此年復一年，舊積者日漸消

磨，新收者日漸短少，目前支持已覺費力，脫一旦有

四方水旱之災、疆場意外之變、何以給之、此皆事之不可知、而勢之所必至者也。比時欲取之于官、則倉廩所在皆虛、無可措取、欲取之于民、則百姓膏血已竭、難以復支、而民窮勢蹙、計乃無聊。天下之患、有不可勝諱者、此臣等所深憂也。夫天地生財、止有此數、設法巧取、不能增多、惟加意樽節、則其用自足。伏望皇上將該部所進揭帖、置之座隅、時賜省覽、總計內外用度、一切無益之費、可省者省之、無功之賞、可罷者罷之、務使歲入之數、常多于所出、以漸復祖宗

之舊。庶國用可裕。而民力亦賴以少寬也。伏惟 聖明留意。

論外戚封爵疏

外戚封爵

今日該文書官丘得用口傳聖旨。皇親都督同知王偉着進封伯爵。擬旨來行。欽此。并將正德二年封慶陽伯夏儒嘉靖二年封泰和伯陳萬言及各子男輩授官事例傳示臣等。恭照 聖祖定制。公侯伯爵非有軍功不得濫封。國初如魏定兩公。自以佐命元勳。聯姻帝室。彭城惠安。雖託籍戚里。然亦半有軍功。昨

土剖符皆無容議。宣德中季始有恩澤之封。弘治以來遂爲故事。然寔非高皇帝之舊制也。嘉靖八年

世宗皇帝曾詔廷臣會議外戚封拜事理。該府部等衙門議稱。祖宗之制。非軍功不封。夫爵賞者。天下

之爵賞。人主所恃以勵世之具也。今使椒房之屬。與有大勲勞之人。並享茅土。非所以昭有功勸有德也。今除已封見任者。姑准終身外。此後凡皇親駙馬俱要查照。祖宗舊制。不許夤緣請封。其有出自特恩一時賞賚者。亦止照祖宗朝故事。量授指揮千百

戶等官以榮終身敢有違例奏請希圖恩澤妄引洪熙以後事例止乞者聽本部及科道官卽時舉劾此事寘

之重典以爲貪冒不知止足者之戒等因奉聖旨卿

亦世宗超見獨斷可爲萬世法

等既會議停當外戚封爵古未有皇祖亦未有

制典魏定二國公雖爲戚里寔開國佐命靖難元勲難同其功彭城惠安二伯亦有軍功居半都着照舊襲封其餘以爲戚里濫膺重爵名器旣輕人不知勸見任的都當查革但其中有于先朝恩命及已封者姑與終身子孫不許承襲欽此此我世祖超世之

見同符二祖。非近代帝王所能彷彿其萬一者。嗣後雖曾垂澤安平。許傳再世。則以孝烈皇后有剪逆保駕之功。特旨酬賞。非援例進封者也。臣等竊以爲我皇上當英妙之齡。事事皆祇過先猷。憲章烈祖。則太祖定制。與世祖聖諭。正宜仰稽而效法者。但既有正德以後事例。王偉係中宮至親。臣等不敢抗違。謹擬傳帖上請聖裁。發下吏部施行。其皇親子男輩姑且從容。俟後再有大喜慶事。然後加恩。未晚也。臣等謹查嘉靖八年。世宗皇帝聖旨及廷臣

會議二本進呈御覽。用見先朝恩封外戚始末。伏惟
聖明垂覽。

請停止鑄錢內庫供賞疏

停止鑄錢

昨該文書官姚秀口傳聖旨。內庫缺錢實用。着臣等
擬旨傳該部鑄造進用。欽此。臣等查得萬曆四年二
月奉 聖旨。萬曆通寶制錢。着鑄二萬錠。與嘉靖隆
慶等相兼行使。戶工二部知道。欽此。本月又該工部
題鑄造事宜。節奉聖旨。錢式照嘉靖通寶。鑄金背一
萬四千錠。火漆六千錠。着以一千萬文進內庫應用。

欽此。萬曆五年二月內，該戶部進新鑄制錢，又奉
聖旨：這錢錠還查原定二萬之數，以一半進內庫應
用，一半收貯太倉。欽此。及查工部題議：制錢二萬錠，
該錢一萬萬文，用工本銀十四萬九千兩。大半取之
太倉銀庫。此奉旨鑄錢之大略也。臣等看得先朝鑄
造制錢，原以通幣便民，用存一代之制。鑄成之後，量
進少許呈樣，非所以進供上用者也。萬曆二年鑄造
之初，亦止進樣錢一千萬文。其後以一半進用，已非
通幣便民之本意。今若以賞用缺錢，徑行鑄造進用，

則是以外府之儲取充內庫大失舊制矣且京師民間嘉靖錢最多自鑄行萬曆制錢之後愚民訛言便謂止行萬曆新錢不行嘉靖舊錢小民甚以爲苦近

總是欲節宮中之費耳

多鑄錢不妨

該五城榜示曉諭民情少定今若又廣鑄新錢則嘉靖等項舊錢必致阻滯不行于小民甚爲不便又與原奉聖旨與嘉靖隆慶等錢相兼行使之意相背臣等揆度事體似爲未便伏望聖明裁審暫停鑄造進用之旨待二三年後如果民間錢少再行鑄造亦未爲晚仍乞皇上曲納臣等節次所陳狂愚之言

敦尚儉德。樽節財用。諸凡無益之費。無名之賞。一切裁省。庶國用可克。民生有賴。不然以有限之財。供無窮之用。將來必有大可憂者。臣等備員輔導。敢不盡其愚。伏惟聖明亮察。

請酌減增造段疋疏

減增段疋

伏蒙發下工科都給事中王道成等請酌減織造段疋一本。臣等查得先該承運庫太監孔成等。以賞賜夷人段疋缺乏。題請行南京蘇松浙江等處增織。於內又將上用袍服等項。併請織造。其該七萬三千疋。

奉聖旨工部知道。今科臣王道成等因見東南地方
失傷重大。民力罷敝。恐加派擾民。故有此奏。臣等看
得歲造段疋原有定額。祖宗朝計一歲所造賞賚
諸費。尚有贏餘。至嘉靖年間。賞賚無時。每稱缺乏。乃
行文於該地方增織。謂之急缺段疋。然亦間一行之。
非可爲常例者也。今查萬曆三年。該庫已稱缺乏。請
於歲造之外。添織九萬有餘。其時以大婚禮重。賞賜
浩繁。該部不得已。欽遵 明旨。設法措處。然聞之各
地方庫藏。搜括已盡。經今四年。方得織完。而添織之

旨又下。計該庫所開數目。度其所費。非得銀四五十萬不能辦。此索之庫藏。則庫藏已竭。加派小民。則民力已疲。况今歲南直隸浙江一帶皆有水災。頃蒙特恩破格蠲賑。又取回織造太監罷困之民。方得更生。乃又重複加派。子惠之恩未洽。誅求之令卽施。非聖慈所以愛養元元。培植邦本之意也。民窮財盡。賦重役繁。將來隱憂。誠有不可勝諱者。科臣所奏。宜留聖心。臣等看得該庫偶因三衛夷人賞賜段疋。缺少虎豹一樣服色。及近年北虜俺荅效貢。歲增賞賚。溢於

舊數故題請添織。以上二項委不可已。至於上供御用等項。則近年南京太監許坤、蘇杭太監孫隆織進御前者已自足用。不必又取辦於歲造矣。臣等愚見伏乞聖明再諭該庫查北虜俺荅一宗賞賜一歲約該幾何。及三衛夷人虎豹服色缺少幾何。照數行該地方添織。卽作歲造之數。其餘皆可停止。惟復俯從科臣之言。一槩減半織造。其支費銀兩勅下戶工二部酌處。免復加派小民。庶近日蠲恤之旨。不爲虛文。罷極之民。少得蘇息也。臣等職在帷幄。蒙皇上心

脅之寄豈不知國用浩繁事在難已敢故爲節省之言以沽違拂之譽但事關邦本不得不爲深長之慮伏望聖慈宥其愚昧裁酌施行

皇明經世文編卷之三百二十六

華亭

陳子龍卧子 徐孚遠闇公

編輯

宋徵璧尚木 何 剛愍人

宋徵輿轅文參閱

張文忠公文集

疏

張居正

請處治邪佞內臣疏

處治內臣

此事亦內藉

聖學之力校來案聚之萌大都以

該文書官丘得用口傳 聖諭孫海客用凡事引誘

此

無所不為着降作小火者發去 孝陵種菜爾等司

禮監并管事牌子、既受朝廷爵祿、我一時昏迷以致有錯、爾等就該力諫方可、爾等圖我一時歡喜、不言我今奉 聖母聖諭教誨我、我今改過、奸邪已去、今後但有奸邪的小人、爾等司禮監并管事牌子、一同舉名來奏、該衙門知道、欽此、傳示到閣、除欽奉 宣諭、臣等另行具題外、臣等看得孫海客用、奸邪不忠、引誘蠱惑、以致虧損 聖德、舉動差錯、上違 聖母慈訓、下失臣民仰望之心、論 祖宗法度、宜正典刑、罪在不赦、皇上心雖惱恨、猶不忍加刑、薄從降斥、

燭奸之明等於日月。宥罪之仁同於天地矣。但臣等查得舊例孝陵種菜皆軍人爲之。二犯旣發令着役。不宜止降火者。須克做淨軍。乃爲正法。臣等謹擬票上請聖裁施行。

請清汰近習疏

汰近習

伏蒙聖諭。昨朕有御筆帖子。先生看來未曾。孫海客用。朕越思越惱。這厮亂國壞法。朕今又降做小火者。發去南京。孝陵種菜。先生等旣爲輔臣。輔弼朕躬。宗廟社稷所係非輕。焉忍坐視不言。先生等旣

知此事。就該諫朕。教朕爲堯舜之君。先生等也爲堯舜之臣。朕今奉

聖母聖諭教誨。朕悔過。迸去奸邪。先生等各要盡心輔朕。欽此。該文書官丘得用恭捧到閣。臣等恭誦

綸音。不勝欽仰。不勝惶愧。仰惟

皇上天挺聖資。幼而聰穎。自臨御以來。講學勤政。

聖德日新。臣等每自慶幸。以爲親逢堯舜之主。庶幾復見唐虞之治矣。乃數月之間。仰窺聖意所向。稍不如前。微聞宮中起居。頗失常度。臣等心切憂惶。但身隔外庭。不知內事。卽有所聞。未敢輕信。而朝廷

庶政。未見有關。故不敢妄有所言。然前者恭侍日講。亦曾舉孔子益者三樂。損者三樂。并益者三友。損者三友。兩章書。請皇上加意省覽。蓋亦陰寓諷諫之意。又數日前曾問文書官云。近日聞皇上夜間遊行。左右近習。皆持短棍兵器。此何爲者。乃文書官回說。並無此事。臣等亦遂以所聞爲妄。不敢復言。連日因覩御筆帖子。處治孫海客用兩人。因而詢訪。始知此兩人者。每日引誘皇上夜間遊宴別宮。釋去法服。身着窄袖小衣。長街走馬。挾持刀仗。又數進奇巧

戲玩之物。以蠱惑上心。希圖寵幸。臣等連日寢食不寧。神輿飛越。可惜天生聖主。被這幾個奸邪小人。引誘蠱惑。一至於此。擬俟日講時。面陳諫劾。以盡愚忠。乃蒙聖母諄諄教戒。皇上幡然改悔。迭去奸邪。引咎自責。又宣諭臣等盡心輔導。此蓋九廟列聖之靈。默啟我聖母之心。形之譴責。陰佑我皇上之心。自悔前非也。夫人孰無過。惟過而能改。則復於無過。自茲以往。皇上依然爲堯舜之主。臣等亦庶幾可勉爲堯舜之臣矣。宗社生靈。曷勝慶幸。但

古語云樹德務滋除惡務盡。臣等竊聞近日引誘之人在孫海客用。固爲尤甚。而其中譎佞希寵。放肆無忌者。尚不止此二人。如司禮監太監孫德秀溫泰。兵

江陵此中自有作用。然侃侃有大臣之風矣。

仗局掌印周海者。皆不良之人。其罪亦不在孫海客

用之下。今皇上旣將此二人寘之於法。以示悔過

自新之意。則孫德秀等亦不宜姑容在官。以貽聖

德之累。伏望皇上大奮乾斷。將孫德秀等一體降

黜。以彰日月之明。其司禮監管事牌子等官。平日爲

忠爲佞。諒莫逃於聖鑒。合無俱令自陳。請自聖斷。

老成廉謹者。照舊管事。諂佞放肆者。悉加汰黜。且近日。皇穹垂象。彗芒掃宦者之星。亦宜大行掃除。以應天變。以光盛德。此。皇上修德改過之實政也。臣等又聞漢臣諸葛亮云。官中府中。俱爲一體。陟罰臧否。不宜異同。臣等待罪輔弼。官中之事。皆宜與聞。臣居正又親承。先帝遺命。輔保。聖躬。比之二臣。責任尤重。今乃徒避內外之嫌。不行直言匡救。以致。皇上有此過舉。孤負。先帝托付之言。萬死不足以自贖。除痛自省勵。以圖報稱外。今蒙。皇上明發德

音昭示 聖意臣等此後亦不敢復以外臣自限。凡
皇上起居及宮壺內事。但有所聞。卽竭忠敷奏。及左
右近習。有邪佞不忠如孫海客用等者。亦不避嫌怨
必舉 祖宗之法。奏請處治。仍望俯允施行。 皇上
亦宜仰遵 聖母慈訓。痛自改悔。戒遊宴以重起居。
專精神以廣胤嗣。節賞賚以省浮費。卻珍玩以端好
尚。親萬幾以明庶政。勤講學以資治理。庶今日之悔
過。不爲虛言。將來之 聖德。愈爲光顯矣。

請敷陳謨烈以裨聖學疏

法祖

先該臣等面奏

皇上春秋鼎盛宜省覽章奏講究

治理于字書小學不必求工以後日講請暫免進字

容臣等將諸司題奏緊要事情至御前講解面請裁

決伏奉

俞旨臣等欽遵舉行外但數月以來應奏

事件與日講之期多不相值或係常行細務又不敢

煩瀆

聖聰卽恭侍講讀須臾而畢拱默而退不得

供奉燕閒從容陳說雖欲竭悃款之愚效獻替之益

其道無繇非臣等面請奏事之初意也頃奉 聖諭

責臣等以盡心輔導臣等夙夜思惟圖所以仰承德

意啟沃聖心者竊以爲遠稽古訓不若近事之可徵。上嘉先王不如家法之易守。昔伊尹周公矢謨作誥撮其大指不過兩言曰明言烈祖之成德曰覲揚文武之光烈而以唐憲宗讀貞觀政要竦慕不能釋卷宋仁宗命侍臣讀三朝寶訓及祖宗聖政錄前史書之皆爲盛事良以美牆如見自不忘繼志之思耳目旣真又足爲持循之地守成業而致盛治莫要于此仰惟我二祖開創洪業列聖纂紹丕圖奎章睿謨則載之寶訓神功駿烈則紀之實錄其意義精深規

模弘遠。樞機周慎。品式詳明。足以邁三五之登閔。垂
萬億之統緒。此正近事之可徵。家法之易守者也。夫
皇上所踐者。祖宗之寶位所臨者。祖宗之臣民。
所撫馭者。祖宗之輿圖所憑藉者。祖宗之威德。
則今日之保泰持盈。興化致理。豈必他有所慕。稱上
古久遠之事哉。惟在皇上監于成憲。能自得師
而已矣。臣等謹屬儒臣。將累朝寶訓實錄副本。逐一
檢閱。分類編摩。總計四十款。曰創業艱難。曰勵精圖
治。曰勤學。曰敬天。曰法祖。曰保民。曰謹祭祀。曰崇孝

敬曰端好尚曰慎起居曰戒遊佚曰正宮闈曰教儲
貳曰睦宗藩曰親賢臣曰去奸邪曰納諫曰理財曰
守法曰警戒曰務實曰正紀綱曰審官曰久任曰重
守令曰馭近習曰待外戚曰重農曰興教化曰明賞
罰曰信詔令曰謹名分曰却貢獻曰慎賞賚曰啟節
儉曰慎刑獄曰褒功德曰屏異端曰飭武備曰御夷
狄雖管窺蠡測之見未究高深而修德致治之方亦
已略備矣但簡冊浩繁遽難卒業容臣等次第纂輯
陸續進呈擬俟明歲開講以後每晨講既畢臣等恭

詣文華後殿講解訓錄一二條。粗述大指。如 皇上
偶有疑難。卽望而賜諮詢。或臣等竊有見聞。亦得隨
事獻納。其諸司章疏。有緊要者。卽於講後面奏請裁。
多寡有無。不拘程限。但使工夫接續。時日從容。自可
以開發聰明。亦因以練習政事。伏望 皇上留神聽
覽。勉力行視。訓錄之在前。如 祖宗之在上。念念
警惕。事事率由。且誦法有常。緝熙無間。卽燕息深宮
之日。猶出御講幄之時。則 聖德愈進于高明。 聖
治益躋于光大。而臣等區區芹曝之忠。亦庶幾少效。

萬分之一矣。

請用翰林官更番侍直疏

詞臣入直

臣等伏觀 皇上近日以來留神翰墨一切嬉遊無益之事悉屏去不御。仰惟 聖學該洽 睿志清明。臣等不勝慶忭。夫人主一心乃萬化從出之原。亦衆欲交攻之會。必使常有所繫。弗納于邪。然後縱逸之念不萌。而引誘之奸不入。故雖筆札小技。非君德治道所關。而燕閒游息之時。藉以調適性情。收歛心志。亦不悖于孔氏游藝博文之指。比之珍奇玩好。馳騁

故佚之。娛則相去遠甚。未必非 皇上進德養心之
一助也。但臣等竊見前代好文之主。皆有文學之臣。
載筆操觚。奉侍清燕。如唐有天策瀛洲之選。供奉待
詔之員。宋有祕閣待制二館著作。或承詔登答。或應
制賡酬。皆于語言文字之中。微寓風勸箴規之益。卽
今之翰林官是也。國朝建置翰林。于一擢進士中。拔
其英雋特異者。除授此官。固欲儲養德望。以備啟沃。
任樞機。然文史詞翰。撰述討論。亦其本等職務。皇
上卽有任使。不必他求。如日講諸臣。皆文學優瞻。臣

等選任以克見今克注起居自古權臣欲專其君日逐在館供事外其餘

者最忌人主選擇文學近臣忠諫開通謀國開他

見任翰林各官亦皆需次待用者臣等擬令分番入

直止觀其如江陵之無他志也

直每日輪該四員與同日講官祇候皇上萬幾之

暇如披閱古文欲有所采錄鑒賞名筆欲有所題詠

卽以屬之諸臣令其撰具草藁送臣等看定然後繕

寫進呈聖覽或不時召至御前面賜質問令其發

摠蘊抱各見所長因以觀其才品之高下他日量能

擢才自可斷于聖衷且諸臣因此亦將自慶遭逢

益圖稱塞爭相淬勵以求見知于上其于聖明辨

材審官之道亦默寓于中矣。臣等不勝惓惓願忠之誠。

書

與薊遼總督譚二華

處分總戎

前聞道體小違和無任懸念。今想勿藥矣。近口處分戚帥誠出下策。然非得已也。頃會霍司馬云。公本欲論郭琥。則屬者之舉。似亦與高見懸符。且事權歸一。法令易行。兵不遠索。浮議自省。假之以便宜。需之以歲月。薊鎮之事。亦未必不可振也。但以總理體面。比

之鎮守爲優。今旣易銜。則上下承接。自有常分。用之雖重。而禮則少損矣。昨本兵題覆。慮不及此。不知公議疏中。亦可爲一處否。如不可處。則于常禮之外。少加優借。以鼓舞之。又本兵疏。以巡關御史監軍。此言

大誤。蓋戚帥之請監軍。謂于本鎮之外。別練兵五萬。

江陵公極調護戚元敬故能成薊門之功

也。今旣爲鎮守有地方之責。則巡關御史何事不可督察。又何必更爲監軍名色。以撓之哉。公于議疏中。幸婉詞以破其說。至于射打一事。極爲虛文。其中情弊。可笑可恨。今但以訓練之寔責之。戚帥如有不効。

皇明經世編

張江陵集

卷之三

處分戮

十

平露堂

巡關御史得諭劾之。固不必襲此故套。虛文爲也。又
鄙意謂南兵旣不可取。鎮兵或不足數。必須聽其召
募。庶可充伍。且訓練若成。則老弱可以漸汰。援兵可
以漸減。又不苦于供億之繁矣。兵不貴多而貴精。李
抱真在澤潞。以二萬人雄視山東。豈在衆哉。

又與薊遼總督譚二華

築臺戍守

戚師以總理改總兵。誠爲貶損。緣渠當僕以書相問
之時。不急以此意告我。而本兵又倉卒題覆。故處之
未盡其宜。然及今尚可爲也。望公于議疏中委曲爲

言不但體面降扣爲下所輕且督撫標兵皆欲付之
訓練若不兼總理何以行便乞特致一書于閣中二
公及虞坡思齋僕得從中贊之更易爲力也倘得如
意當于敕書中增之其關防當改鑄矣昨議增築敵
臺寔設險守要之長策本兵卽擬覆行但據大疏謂
一臺須五十人守之則千臺當五萬人矣不知此五
萬人者卽以擺守者聚而守之乎抑別有增益乎聚
則乘垣者無人增則見兵止有此數不知又當何處
也又四面周廣才一丈二尺雖是收頂之式度其根

守臺亦須五十人然此制誠爲狹小

脚當亦不過倍此數耳。以五十人周旋于內。一切守禦之具。與士卒衣糧薪水之類。克牒其中。無乃太狹乎。便中仍望見教。萬萬山東民兵。徒有征戍之勞。而無戰守之益。若折解工食銀兩。則一歲中即可得十餘萬。以此十餘萬之貲。召募土著精壯之人。便可得勝兵五六千。比之千里遣戍。功相萬矣。僕久懷此意。未有以發。公熟計其便。再疏言之。何如。凡僕所白皆密要語。故不敢令人代書。極知艸艸。

承示虜賊聚兵及三路入犯恐屬未的。何者。虜若大舉。必不止于八千一萬。審欲大舉。亦必匿形歛翼。豈肯以三路之說明告于人。且今天氣漸熱。虜馬已弱。零騎往來。難保必無。若欲深入。恐非其時。雖然。不可不過爲之防也。已告于本兵。俟有的報。卽行調遣。僕近訪得薊鎮軍糧。有關支于一二百里之外者。士卒甚以爲苦。夫以數口之家。仰給于一石之粟。支放不時。斗斛不足。而又使之候支于數百里之外。往返道路。顧倩負戴。費將誰出。是名雖一石。其實不過八九

斗止矣。況近日又有撫賞採柴等項名色。頗出其中。如是欲士皆飽食折衝禦侮能乎。聞舊制各區隨在皆有倉口。支根太遠軍中大弊政也皆因餉司苦於支發時耳目不及故聚糧於近以自便耳該官守支。今各倉廩或頗圯壞。而其制猶存。其官猶在。獨不可併厥修理。就近坐派乎。此事不必疏請。但與管糧郎中一計處可也。

答兩廣總督熊近湖論廣寇

粵寇

數年劇賊。一旦就擒。仗公雄略。收此成績。斯朝廷付託得人之効也。功高賞懋。國家自有典典。本兵方按故事。奏凱論功。嗣容專賀。竊以爲滅賊固難。善後

尤難。蓋廣之助勦。非一日矣。數年以來。憂在曾賊耳。
未遑他圖也。今鯨醜雖已就戮。而奸民反側者。尚懷
觀望。山寇陸梁者。伺我疲勞。海防久廢。法紀未張。吏
不恤民。驅而爲盜。此皆釀禍之根。未可遂謂寧帖也。
且張璉擒而吳平繼之。吳平殲而曾一本繼之。往事
失策。可爲炯鑒。爲今之計。似宜乘戰勝之餘威。藉兵
餉之少裕。急將海防事宜。嚴加整飭。如林道乾輩。旣
爲良民。便當遵吾約束。渙其羣黨。釐其宿弊。如懷疑
貳卽可名之爲賊。因而除之。仍當于沿海一帶。分區

設寨修飾兵船。嚴中海禁。又廣中原題設六水寨。今宜選諳習舟師。分任責成。至于山寇。乃坐守虜耳。勝兵往加。勢如破竹。亦宜殲其渠魁。後乃可議招撫。區畫已定。然後簡汰有司。一意拊輯。所謂乘威之後。以行惠。則惠尊而民悅。此數世之利。若狃于一勝。遂謂無事。而姑息以求安。竊恐亂本不除。餘毒再作。終當復勞尊慮耳。萬里之外。事難遙度。第以管閩質之左右。公其採而行之。幸甚。

客薊鎮撫院王鑑川論薊遼五患

薊遼事情

辱華翰知已建牙誓衆矣。欣慰臨淮一至軍而旌旗
服色皆爲改觀。豈獨其法嚴哉。蓋亦威望素著故也。
但此中事情與關西稍異。虜強一也。雲中北直虜庭
板升叛逆。倚胡爲患。二也。士無鬪志。惟務賄免。三也。
率情而玩。將令不行。四也。密邇畿甸。畏避情深。小入
則大虜勢以爲解脫之地。小勝則張虛聲以邀式遏
之功。積習故套。牢不可破。五也。夫世必有非常之人
然後有非常之事。有非常之事。然後有非常之功。公
所謂非常之人也。五者之患。庶其有瘳乎。願熟計而

皇明經世編

張江陵集

卷之三

古

平

審圖焉

答北邊撫院孟豐麓

督撫駐防

往時總督當秋防之時卽移駐懷來雲中三關聲援

今南山亦甚急

遼絕議者每以爲言然南山一帶逼近

陵京今復

舊制令督撫仍駐陽和居中調度東西應援可也乃
欲盡撤入衛之兵弃南山而不守則失策矣且防守
數年虜中亦知有此徑路一旦弃而不守假令虜乘
吾之間以一軍綴上谷守將而以勅卒掩吾不備當
其時誰任其咎乎善謀國者必不如是之疎也大疏

請兵亦爲得策。但以京師驕脆之卒。使之乘障遠戍。恐不堪用耳。容與本兵計之。

與薊遼總督謀俺荅板升之始

議開板升

賊聚而西。患在雲中晉陽矣。既有的耗。公自不得不西應之。但南山一帶。尚爲可慮。幸留標下一二枝。以東事托之趙帥。乃可專意西防也。近聞土虜亦未動。薊中或可無虞。卽有事。薊人自足當之。無煩西援矣。外板升一事。望公密切圖之。去歲謀之業。已六七分就矣。而爲大同守所壞。殊爲可恨。今之視昔。則又不

皇明經世編

張江陵集

卷之三

主

平露堂

同儼酋老矣。其子台吉嘗切齒此輩。欲盡屠之。乘其危懼之時。招之易耳。此一機也。彼中荒旱飢窘。人思南歸。此又一機也。故願留意熟計之。今東患在屬夷。西患在板升。二患不除。我終無安枕之日。然西事稍易。宜先圖也。人旋附此以備採擇。

答王鑑川策俺荅之始

計處那吉

虜種來降。雖朝廷有道。能使遠人向化。亦公威德所及也。慶幸慶幸。顧此事關係至重。制虜之機。寔在于此。往年桃松寨事。廟堂處置失宜。人笑之。至今齒

仰夷婦來降事也

冷。今日之事又非昔比。不宜艸艸頃據報使酋臨邊
索。要。僕。正。恐。彼。弃。而。不。取。則。我。抱。空。質。而。結。怨。于。虜。
今。其。來。索。我。之。利。也。公。第。戒。勵。將。士。堅。壁。清。野。扼。險
守。要。以。待。之。使。人。以。好。語。款。之。曰。吾。非。誘。汝。孫。降。彼
自。慕。吾。之。化。醜。彼。之。俗。故。來。耳。中。國。之。法。得。虜。酋。若
子。孫。首。者。賞。萬。金。爵。通。侯。吾。非。不。能。斷。汝。孫。之。首。以
請。賞。但。以。彼。慕。義。而。來。又。汝。親。孫。也。不。忍。殺。之。且。給
賜。衣。服。飲。食。甚。厚。汝。欲。得。之。自。當。早。詞。效。款。或。斬。吾
叛。逆。趙。全。等。之。首。盟。誓。于。天。約。以。數。年。騎。不。入。吾。塞。

乃可奉聞。天朝以禮遣歸。今乃肆其凶逆。稱兵挾
取。吾豈畏汝者。今宜大人馬。豈復往年之比。汝來則
來。吾有以待之。且聞汝子辛愛怨汝之愛少妾。溺幼
子。誘納吾中國叛人。疎其種類。且夕且將殺汝。汝肝
腋之患不虞。而何以汝孫爲哉。彼聞此言。未必不動。
又聞那吉之來。皆其奶公主之。其人必有智計。可使
人密誘之曰。我太師知那吉之降。皆是汝意。汝誠識
事體。知順逆者。太師今已奏聞。朝廷大大與汝官
職。以賞汝功。但今老酋臨邊。索要願進羊馬數千。贖

取汝等得卽寸斬汝矣。我太師念汝等慕義而來。不
忍利賄而殺汝。任其索取。斷不與之。然今有何計。可
取老酋之首。除汝等之害者。殺得老酋。卽封那吉爲
王。遣兵送汝等歸故地。永爲中國藩籬。長享富貴。渠
聞此言。亦未必不動。吾得因其計而圖之。亦一策也。
虜之入犯。乃其常事。卽其孫不降。彼亦必入我。亦必
防。公宜堅持初意。審定計謀。毋爲衆言所淆。今冬節
已深。塞外艸枯。彼亦不能遲久。且虜中今歲飢荒。頭
畜多死。東犯不遂。西搶不成。力罷于奔命。計阻于多。

岐衆叛親離。內難將作。此亦天亡之時也。向者僕固
謂世必有非常之人。然後有非常之事。有非常之事。
然後有非常之功。此所謂非常之事。非公孰能了之。
但那吉數人。置之鎮城。宜加防範。毋令與外人相通。
厚其給賜。毋使復萌歸念。續降之人。真虜分配將士。
華人各與寧家。亦不宜聚于一處。恐生他虞。書生之
見。聊備採擇。統惟鑒裁。

與王鑑川言制俺酋款貢事

俺酋款貢

降虜事情。廷臣初意紛紛。然廟堂論定。前已獨聞十

上然後擬 旨處分。圖外之事一切付之于公矣。乃
昨承翰教似與初指少異。聞者疑之。異議稍起。僕竊
計公發書時尚未見近日之旨也。承教謂宜乘老酋
欲孫之急。因與爲市。誠然。但 朝廷納降和戎。須自
有體。今旣與之以官。卽爲吾人。若謾然而納之。率然
而與之。事屬挾取。迹同兒戲。損威傷重。取輕外夷。非
計之得者也。據巡撫差人鮑崇德親見老酋云云。回
時又令自揀好馬。其言雖未必皆寔。然老酋舐犢之
情似亦近真。其不以諸逆易其孫者。蓋耻以輕博重。

非不忍于諸逆也。乳犬驚駒。蓄之何用。但欲挾之爲重。以規利于虜耳。今宜遣人先布朝廷厚待其孫之意。以安老酋之心。却令那吉衣其賜服。緋袍金帶。以誇示虜使。彼見吾之寵異之也。則欲得之心愈急。而左券在我。然後重與爲市。而求吾所欲。必可得也。

此時黃酋與老酋亦不

甚合

密授方略于方公趙帥。計此時想已出邊。若諸將肯併力一挫之。則黃酋不敢復入。而老酋之勢自孤。計利圖便。陰陽開闔。在我自有勝算矣。或慮虜久住不

退兵連財費者。此不揣于利害者也。今日之事。幸而成。卽可以紓數年邊患。其所省豈直數十百萬而已哉。而又何惜于目前之少費哉。恐公爲衆議所格。措畫少失。遂弃前功。故敢陳其愚。

與王鑑川謀取板升制虜

處逆制虜

降虜事已前悉。若彼果能執送諸逆。則當以禮遣還。那吉厚其賞賚以結其心。却責令奉表稱臣。謝朝廷不殺之恩。賜賚之厚。因求講和。納款效貢。俟其誠心向化。誓永不犯。乃可議其封爵貢額耳。但僕猶有

意外之防。不敢不告趙全諸人。背華卽夷有日矣。彼豈不預結于俺酋之左右。邊墩之人。亦豈無爲之耳目者。今我明以此要求。彼亦慨然允許。此輩豈得全不知覺。若知之。彼亦安肯坐而待縛如鷄狗乎。萬一語泄。彼得而謀。或聊以脅從數人塞責。而朝廷明旨。一出不可復返。輕弃重質。但獲其毛賊數人。則于國家威重。豈不大損。此其可慮者一也。據鮑崇德所稱俺酋之言。雖若哀懇。然猶身駐近邊。擁兵自強。平虜城外。遊騎不絕。轉餉哨探。俱屬艱難。名雖哀求。事

同強挾未見其爲誠歟也。今必責令將有名逆犯。盡數先送入境。返其巢穴。掣回遊騎。然後我差官以禮遣歸其孫。則彼之誠歟。旣伸我之懷柔。有體若擁兵要質。兩相交易。則夷狄無親。事或中變。唐時吐蕃劫盟之事。取笑強胡。此其可虞者二也。今之議者。皆以小酋爲禍媒。急欲遣之。圖眼前無事耳。至于封爵貢市二事。皆在可否之間。若鄙意。則以爲今邊防利害。不在于那吉之與不與。而在彼求和之誠與不誠。若彼果出于至誠。假以封爵。許其貢市。我得以間修戰。

守之具。與屯田之利。邊鄙不聳。穡人成功。彼若尋盟。

則我示羈縻之義。彼若背盟。則興問罪之師。勝算在

當防公等雖決策然亦止求數年

我數世之利也。但恐其孫一歸。彼願已遂。求和之意。

之安不意作五十年太平也

必乖本圖。或請乞多端。難于聽許。明年當復來侵。雖

獲趙全等數人。恐于彼無大損益。此可慮者三也。大

疏早晚卽復。其中委曲。難以一一指授。望公與金湖

兢兢圖之。公亦須移駐鎮城。庶便措畫。又阿力哥本

導那吉來降。與之必至糜爛。今彼旣留。周元二人則

此人亦可質之。以相當。統惟留意。

與王鑑川計送歸那吉事

計送那吉

向者奉書誠爲過防辱來教事事有備可坐而收功矣慰甚慰甚初擬老酋賞賚那吉加官後思今虜所急者在于得其孫且了此一事待封貢事成則其部下酋長皆授官爵而老酋例有蟒服之賜向後給之未爲晚也旨中不重執叛而重輸誠哀懇蓋懷柔外夷之體幣布已于內庫索出星夜賫上到卽行事毋使虜久候心變小酋旣去宜厚撫之傳與方金湖凡那吉所用諸物可悉與之宴賚皆宜從厚彼

亦人也能不感懷他日有事卒相遇于疆場知軍中
有王太師亦必避公三舍矣此在公可以便宜行之
不必一一以聞也諸逆旣入境可卽執送闕下獻俘
正法傳首于邊使叛人知畏先將那吉移駐近邊叛
人先入那吉後行彼若刼質卽斬那吉首示之閉城
與戰彼曲我直戰無不克矣阿力哥斷不可與之留
得此人將來大有用處望公審圖之姚子之言甚妄
恐金湖聞之意或灰阻願公曲加慰勉此事關係甚
重倘處置少失離離地方責亦難諉況未必得去乎

當時衆議甚固公亦以爲危也

事機所在。間不容髮。尊見既定。斷而行之。勿自掣肘。彼雖有言。廟議已決。無足恤也。

答王鑑川計貢市利害

貢市利害

今之議者皆謂講和示弱。馬市起釁。爲此言者。不惟

時勢之言

不忠。蓋亦不智甚矣。夫所謂和者。謂兩敵相角。智醜

力均。自度未足以勝之。故不得已而求和。如漢之和

親。宋之獻納。是制和者在夷狄。而不在中國。故賈誼

以爲倒懸。寇公不肯主議。今則彼稱臣納款。效順乞

封制和者在中國。而不在夷狄。比之漢宋之事。萬萬

不侔獨可謂之通貢而不可謂之講和也至于昔年

亦以成寧爲之耳

奏開馬市官給馬價市易胡馬彼擁兵壓境恃強求

市以歛戾驚罷索我數倍之利市易未終遂行搶掠

故先帝禁不復行今則因其入貢之便官爲開集

市場使與邊民貿易有無稍爲之約束毋得闌山中

國財物及應禁者其期或三日或二日而止如遼開

原事例耳又豈馬市可同語乎且此事有五利焉虜

旣通貢選騎自稀邊鄙不警穉人成功一利也防守

有暇可以修復屯田蓄吾士馬之力歲無調援可省

惟此事每每有名無實爲可惜耳

行糧數十百萬。二利也。土蠻吉能每借俺酋以爲聲
聲。俺酋旣服。則二虜不敢輕動。東可以制土蠻。西可
以服吉能。三利也。趙全等旣戮。板升衆心已離。吾因
與虜約。有願還者。必勿阻之。彼旣無勾引之利。而又
知虜之不足恃。則數萬之衆。皆可漸次招來。豐州之
地。可虛矣。四利也。彼父子祖孫。情乖意阻。胡運將衰。
其兆已見。老酋歿。家族必分。不死必有冒頓呼韓之
變。我得因其機而行吾之計。五利也。凡此五利。皆古
之謀臣策士所爲禱祀而求者也。而今之議者。獨以

邇將不得擣巢。家丁不得趕馬。計私家之害。忘公室之利。遂失此機會。不爲國家審圖。故僕以爲爲此言者。不惟不忠。蓋亦不智甚矣。至于桑土之防。戒備之慮。此自吾之常事。不容一日少懈者。豈以虜之貢不貢而有加損乎。今吾中國親父子兄弟相約也。而猶不能保其不背。况夷狄乎。但在我制御之策。自合如是耳。豈能必虜之不吾背乎。數十年無歲不掠。無地不入。豈皆以背盟之故乎。卽將來背盟之禍。又豈有加于此者乎。利害之歸。較若黑白。而議者猶嗷嗷以

此爲言。故僕又以爲不智甚矣。劉院旣知此事顛末，又與公同心，必能共襄大事，幸採取其議，及鎮守兵備以下所呈，折以高見，并圖上貢額貢期市易事宜，僕與玄老當備聞于上，請旨行之。浮議雖多，不足恤也。

與王鑑川計四事四要

封貢事要

封貢議起，發言盈庭，類皆以媚嫉之心，而持其庸衆之見，本兵錯愕惶惑，莫展一籌，不得已乃于文華殿面奏請旨行之。又將成祖封和寧太平賢義三王故事，揀付本兵，然呶呶之喙雖已暫息，而睚眦之讒

伺釁而動。彼既不能爲。而妬人之有爲。必且幸其人之無功。而求中其說。此僕所以日夜兢兢不遑寧處者也。昨 旨乃僕所擬。其中蓋有二意。一則欲公悉心經畫。務極穩妥。一則欲公教督諸臣。比常倍加防守。今就二意之中。所謂經畫者有四。互市初開。邊氓畏慮。不敢貿易。虜人不市。釁怨易生。今歲且宜官爲處置。使邊氓睹利。則人必樂從一也。鐵鍋乃虜所急者。頃部議禁不與市。將來必求索無已。今聞廣鍋毀則不可復爲兵。宜稍市之。來歲責令如數更換二也。

亦極論

此事新鄭

虜使既不許入朝。須安置得所。鎮城之中。民物殷阜。易啟戎心。昔年豪宗獻城之事。可爲殷鑒。頃者流議。皆起于鎮城之人。虜使一入。人人惴恐。宜嚴加防範。以杜奸萌。倘邊堡可容。無令得入鎮城。三也。馬趙久爲邊帥。趙雖喜事而近忠。可馴伏也。馬故多端。素與虜通。其部下多真虜。而又有內主。封貢之議。渠最不願。聞公近日以法繩之。頗不能堪。以其含憤蓄愁之私。而行其幸災樂禍之計。何所不至。雲中人情。公所素知。今旣不能去。亦宜以計用之。毋令積恨生變。四

也。其所當修備者亦有四要。城堡及時修併。邊境之險。漸次可復。一也。募招沿邊之氓。開墾荒屯。克寔行伍。鍛礪戈矛。演習火器。訓練勇敢。嘗若敵來。二也。趙全等妻子黨與。尚在虜中。宜于互市之時。陰察賊情。知其主名。可招則招之。不可則擒之。庶逆黨可消。後思可弭。三也。擣巢趕馬。在邊士雖借以邀功。目賞。而虜中亦頗畏之。今旣禁不出塞。則虜人寡畏。而邊士袖手。無所覲幸。他日渝盟之事。不在虜而在邊人矣。下款貢利皆在上

所謂用兵列皆在

此宜預處以杜弊端者。四也。前四事不急圖之。則貢

市之事不成。必流讒妬之口。後四要不預畫之。則貢市雖成無益。反增他日之憂。僕與公委心爲國。休戚相關。故敢縷縷罄其愚悃。惟公採而行之。幸甚。

答薊遼總督王鑑川

卦貢

前得饒君書。虜王已憤怒北還。秋間糾衆來市。計虜帳旣歸。豈能驟返。商民一散。難以復集。當秋高馬肥之時。值新虜再至之銳。求索必多。釁端易起。故欲延至冬間。徐爲措處耳。茲奉教知虜尚未去。市期近在此月。則便當以速了爲妙。何必又改期再約乎。饒疏

已寢不上。一切惟公所裁。但至期仍望公提一旅。稍西行以彈壓之。虜王聞公之來。必堅奉約束。且大軍在近。三晉之文吏懦將。亦有所恃而無恐。知公爲疆場撓慮。不憚一行也。承教謂虜酋動以封爵誇示其衆。公亦使人屈禮以歆艷之。甚善甚善。僕嘗恐虜不慕官爵之榮。不貪中國之利。但以戎馬與吾相角于疆場。則真無可柰何。今誠有慕于我。我因其機而制之。不過出吾什一之富。則數萬之衆皆可折箠而使之。顧今時人皆不足以語此。反以爲狂且悖耳。昨

上谷二市甚得其利。黃酋彌耳帖伏。皆仗公威望遠
懾。但水泉事完。則大功克就矣。

答邊鎮巡撫

西虜貢市

辱密示言虜情邊事。一一俱中肯綮。西事以總督持
議不決。以致驕虜怨憤。及奉 旨詰責。則又倉皇失
措。未貢先市。殊非事體也。威正恰者。不知前已授官
否。渠既能制吉能。卽可用此人以行吾之策。切盡黃
台吉通佛經識義理。昨在宣大調伏俺荅老把都二
酋。甚有功于中華。故特賜敕賞賚。此二人者。一宜以

計用之一宜以禮處之。俟延寧貢市事完。疏中可略
叙此二人另行量賞。若疏已發行。不及叙錄。公可自
以已意陰厚之以結其心。蓋制馭機宜。自合如此。延
寧勢異。馬價平給。委爲失宜。昨喻意本兵。此後尚有
劑量也。於酒行也